

編號 1 號

【老樟樹个春天】曾俊鑾原作

老樟樹企在路脢毋知幾多年咧，厥个樹身愛三個大人正圍得跣來，歲月在厥圓身留著永久个影跡。像舊年熱天做風搓該滿，當多樹桮分風打斷截；底下个泥肉乜分水打走，跣跣糾糾¹个樹根看現現。該央時，佢分大風吹到拗腰，硬硬會轉撇。前一站，又堵著盡冷个寒天，三日風，三日霜，在本底結痢个所在切開還較深个空口。

等盡尾一擺寒流過詐，火蛇²緊瞞，暗雷³響，老樟樹略略感受著對遠方傳過來沉沉个鼓聲，該係春天在地泥下睡醒个信號。佢先擘哈，續緊伸一下腰骨，跣核風个節奏發出「喀喀」个聲。空氣裡肚開始鼻著一種特殊个香氣，該係南片吹來燒暖个水氣，合核新生命黏時會暴芽个味瑞。

起頭係該兜毋打眼个鹽酸草⁴同臭頭香⁵，厥等有一屑畏事，對老樟樹腳下个地泥項同頭那探出來，嫩習習个葉吊緊金哲哲个露

水。老樟樹同這兜細生命低言細語，歡喜有厥等來共下迎接久見个春光。

初春个暗晡頭總係有一屑清冷，北風合核雨毛毋多知斯來到，雨點輕輕打在老樟樹个葉面，演奏出一首和接个夜曲。這雨水滋養燥渴个樹根，乜洗淨一身个塵灰。過無幾久，北風停，南風起，老樟樹看著燕隨風來，老朋友轉來哩啲。厥等在街路个簷脢下無閒濟借，對河壩脢銜泥整舊年个老竇，溜掠个身胚在藍藍个天頂畫出優美个弧線。厥等係春天个報訊者，帶來對生命个祝福。

老樟樹下漸漸鬧熱跣來咧。堵著燒暖个日，莊肚个老人家會在樹下行棋、打嘴鼓，耕種人會憑核樹身歇暍，放學个細孺會在厥四圍搞份家啦同園人尋。老樟樹企都澄澄精神十足，斯像高長大漢个巨人，佢用闊闊个樹影同厥等抵日頭，用輕輕个散氣同厥等送涼風。

對眼前个情景，老樟樹當感動，滿心歡喜。佢看遠遠，高山龍崙⁶、平洋坑壠，既經換撇灰色个舊衫，濛沙煙下係一片新色个大地。一陣風吹啊過來，老樟樹个樹桮跣核風搖啊搖，佢毋堵好嘎啄目睡，一瞞目，幼嫩个新葉斯在手指項綻筍。

¹ 跣跣糾糾：音 gio+ gio+ giu` giu`；彎彎曲曲。

² 火蛇：音 fo` sha`；閃電。

³ 暗雷：音 am` lui`；閃雷。

⁴ 鹽酸草：音 rham` son` co`；酢漿草。

⁵ 臭頭香：音 cu` teu` hiong+；香附子。

⁶ 高山龍崙：音 go+ san+ liung` gien`；高山山脊。

編號 2 號

【拈著一隻青鸛¹】范振新原作

舊年6月有一日下晝，一陣西北雨過後，佢行去雜貨店个路項，遠遠看著有一團毋知麼个東西，在淺淺个水窟肚蠕蠕動，佢遽遽行前去看真，原來係青鸛个鳥子。

佢胚想，驚怕係頭先分大雨打落來个？跔緊斯聽著佢「啾～啾～啾～」个叫聲，佢頭臥臥尋，看有厥爺哀無，嘎無尋著，又看該樹恁高，想愛同佢放上去乜無法度。看佢冷都激激顫，驚怕佢會消撇，高不將帶轉屋家照顧。

該暗晡，佢無睡好，因為差毋多間兩三點鐘，斯愛䟽床飼鳥子食水。逐擺飼佢食水个時節，佢會在手指頂滴一滴水拿到厥嘴脣，厥个舌嫵斯會西出來，同水舐入嘴肚。該央時，佢還毋會食飼料，佢愁會畜毋生，好得到第二日，佢斯會討食咧。

見擺肚屎枵个時節，厥个頸根會擱長長，嘴擘大大，還會盡命牯叫「啾啾，啾啾啾！」知佢愛食，佢遽遽同飼料摻兜水，用細湯匙灌畀食，一口、兩口、三口。鳥子逐擺都食毋多，當遽斯

會過枵，所以愛輒輒飼，食啊飽又過睡目咧，正經係食飽睡、睡飽食。

青鸛拈轉來畜無一個月，斯會飛咧。佢學飛个時節，會撞來撞去，一下撞著壁，一下撞著玻璃，斯像嬰兒學行路共樣，下把還會跌倒。有一擺佢又撞著咧，嘴擘擘像失魂个樣，怙怙企在鳥籠頂無停動，分佢已愁慮，檢查過後，好得無仰脣。斯恁泥跌斷腳骨顛倒勇，緊撞緊飛，緊飛緊撞，慢慢，佢斯越來越會飛咧，速度還當遽，有成時會在桌下穿啊過，一瞞目斯無看著咧。該載，佢聽得識自家个名，喊一聲斯會飛轉吾个手項。飛恁咧也會在吾巴掌嫵項歇睏，同頭那囡在翼胛下睡目。

青鸛係城市當輒看著个鳥，毋過頭擺毋識去注意。係背尾畜這鳥了後正發現，在佢戴个屋脣，正經有已多。這下若係聽著有青鸛个叫聲，佢黏時斯知附近有青鸛。厥等个叫聲已有變化，逐種叫聲都有厥个意義同目的，佢聽厥个叫聲，大體斯揣得出佢想愛做麼个，比論講在該尋伴、分大鳥嚇著、撩佢起譴个叫聲，抑係當自然、當舒爽時節个叫聲，佢全聽得出。

在屋家，鳥籠門佢毋識關，隨在佢飛。這下逐日都會聽著佢當輕鬆个叫聲，斯像精靈在該唱歌个樣，「啾～」毋會停。

¹ 青鸛：音 ciang+ di~；綠繡眼。

編號 3 號

【行出去，正有風景】范振新原作

在臺灣，有人講人生在世有三件事情定著愛做：跋玉山，泳渡日月潭，還有騎鐵馬環島。雖然講，這兜全無恁該，愛堅耐還愛有體力正奈得何。也有人講，該恁恅个東西，何麼死苦，食飽忒閒係無？毋過，還係有緊來緊多人相賽去自我挑戰。阿宏乜共樣，將這三件事，準做厥人生个目標。

從細，阿宏厥爸總會講：「做人做事愛有膽，毋識做過个斯愛去試，無試仰會知！」厥爸會恁泥講，斯係希望阿宏愛培養勇敢面對艱難个自信，斯像人講个：「敢去斯一擔樵，毋敢去斯屋家愁。」所以，厥爸當鼓勵佢趕後生身體較硬个時節，去挑戰人生。受著厥爸个影響，阿宏 18 歲生日該日，斯騎核鐵馬，單人獨馬走去環島。

出發該日一色青天，阿宏打早斯著一身運動个衫褲，騎核屋家該臺既經迴臺灣兩輪个鐵馬準備出發。無毋著，這臺鐵馬雖然毋係當高級，毋過已耐戰，厥兩個阿哥都係騎這臺鐵馬去環島个，恁多年來毋識壞。出發前，斯單淨加安一個車架放包袱，過同輪嘮風斯出門。無特別安排路線，乜無按算一日愛騎幾遠，淨

跔核自家个心情來行。

這擺環島無先抽牽規劃，正經係「時到時當，無米煮番薯湯」。有幾日斷烏咧還旨決定愛在哪戴，臨時及急正上網尋。死皺咧！該日騎到臺東，堵好堵著奈日，又無先注文，問幾下間旅社嘎全無間房，高不將走去海脣个沙灘睡。雖然沙灘無眠床恁素絲，毋過，脣項無別儕，恬靜恬靜，淨聽得著海浪个聲一陣一陣，四圍暗摸叮咚，天頂个星一瞞一瞞。這暗晡，阿宏斯在這滿天星光个美景當中睡撇咧。

第二日天矇光，阿宏坐在沙灘，遠遠看著該火紅色个大卵黃對海竇鑽啊出來，緊來緊大、緊來緊光。看著這天闊地闊个光景，阿宏心肝肚想：有兜路，無行過，你毋知風景在哪；有兜事情，無親身去做，你永久毋知自家使得行幾遠。

客語朗讀競賽文章（大埔腔）

編號 4 號

【遊寮日本合掌村】徐姿華原作

今年避暑，偕同屋家人去日本寮，想去看該世界文化遺產——合掌村。

對機場坐遊覽車出發，熱情个後生導遊啖無停，一下講風土人情、一下講歷史傳說，大家做下當捧場、笑去搨肚屎；毋過，偕還較中意窗門外背，一路倒退个青山綠水同日式建築。該鄉下个人家屋會有細庭園，修剪去已素絲个松樹同開去鬧鬧个花蕾，街市人家也會有幾盆色目打眼个草花擺在屋面前，襯核淨俐个屋舍，一種幽雅恬靜對目珠流入心肝肚漫開來，化做一窟涼水同熱天个煩躁隔開，分人清心舒爽。

第二日，八點外日頭斯十分晟眼，對高山市轉入彎幹个山路，吾等愛去合掌村。車窗外日頭个光影分大樹蔭核，一下光一下暗，成半下日頭絲對樹葉縫項箭出來，該金晶積燼¹斯像舞臺光个樣；山路項个原始森林、淨俐个坑水並岩石，該兜浸青、翠綠同吾疲勞个目珠也洗去淨淨。

在山窩肚个合掌村到咧，該貴貴像人雙手合掌个三角形青茅稈屋頂，斯係分人安名个原由。這「合掌造」个建築設計，斯係為著屋頂愛使得承受寒天落雪个重量，免致分大雪砣壞撇，正設計做斜 60 度个屋頂。屋肚个桁桷、柱楯做下用榫頭固定，無用半支鐵釘，十分柱固耐用，實在當有智慧過環保。

在莊肚漫步，看著屋脊有大水車定定打水，一條清淨見底个圳溝流過莊頭，幾下尾大嫻嫻个鱒魚寬寬蹣尾、自在泅水；幾坵青荷荷个禾田，田水還略略使得倒映天光雲影，咖啡色个合掌屋脊淙黃、水紅、雪白、淡茄色，各色各樣个花開去鬧借借，蜂、蝶、揚尾、花囉姑飛來飛去；在這位，時間像頓腳咧，日頭也變溫柔，恬風息氣，連四四散散个遊客也像係這靚靚仙境个一部分。

熱天時个雨講落斯落，一陣人分雨逐到龍頂个天守閣閃雨，順續啖一杯咖啡。過一下那雨落煞、天開咧，吾等對觀景臺看往下，歸個莊頭顯在眼前，遠遠，濛沙對山坳浮跣來，分雨洗過个合掌村，分藍天、白雲、青山、濛沙圍緊，正經係一幅盡靚个畫。

在合掌村寮一日，該種鬆爽、平靜、安然自在，較贏過麼个！若講日本个合掌村係現代桃花源，一屑都無爭差。

¹ 金晶積燼：音 gim+ zia+ zid` nen`；亮晶晶。

【泡泡龍出頭天】李秀鳳原作

泡泡龍毋係得人惜个人公，係一種當得人驚个病症——遺傳性表皮分解性水皰症。患者因為基因个原由，歸身个皮膚、黏膜，小可刺激著斯會起水皰，所以正有「泡泡龍」這個偏名。聽講，一百萬個嬰兒裡肚，有二十個會著著這種罕見个遺傳病。

今年三十三歲个阿鈞，從細斯係泡泡龍，圓身輒輒有傷口、水皰以外，連喉嚨頭、目珠肚个黏膜也會裂開，疾去噉噉滾。佢九個月大个時節，因為正片目珠所在緊爛皮，爺哀掙去分先生看，用紗布包個零月過後，正片目珠嗰看毋著，左片目珠乜弱視。

阿鈞逐日愛同日頭搞園人尋，驚跌倒、驚分人躡著、還較驚分人撞著，去學校讀書，自從毋識上過體育課。雖然恁細義，佢還係歸身擲皮扯癩¹，爛疤又疾又癢，艱苦都睡毋落覺。

阿鈞五歲大个時節，有一日，厥姆發覺佢畫圖時節當專心，手毋會去爪疤。人講：「閒手爪爛疤，緊爪緊大疤。」為著毋分

妹个手閒落來，做阿姆儕斯鼓勵佢畫圖。坐在壁角恬恬畫圖，係阿鈞試著盡快樂个事情，因為這時節个佢毋記得傷口个疾、結癩个癢。

讀高中个時佢開始學水墨畫，厥當多个作品，連續得著國內外个大獎，其中有一幅畫安做「生命个必縫」，毋單淨色目豐富，筆法也當幼秀。圖畫裡肚，大樹頂花囉必駁个樹皮，當像泡泡龍結癩个皮膚；樹頂寄生个植物，像在燥乾又變形个皮膚頂，開出一蕊一蕊打眼个花；深深个樹空脣，企核一隻白色个梅花鹿，係保護自家个精靈。

阿鈞講：「生命裡肚个逐條必縫，都係行向新世界个窗門。」阿鈞讀高中、研究所个時節，得著兩到總統教育獎；113 年又得著全國十大傑出女青年个榮光。「耐得核打在礁石頂个艱苦，正使得激出靚靚个浪花。」阿鈞希望自家个生命經驗，使得幫助還較多同佢共樣个泡泡龍企疏來、行出來。

阿鈞係生命个勇者，佢係吾个外甥女。

¹ 擲皮扯癩：音 bang+ piˋ chaˋ ladˋ；皮膚緊縮撕裂傷口的樣子。

客話朗讀競賽文章（大埔腔）

編號 6 號

【尋母轉个味瑞】溫筆明原作

吾个家鄉係版條个龍脈，講無輸贏个，行三步腳斯有一間版條擔。會講「擔」毋講「店」有厥原由，頭擺正經揸擔外賣服務到家，比現代个外送還多加一份燒暖同人情。愛講版條對吾个生活無影響，係講花舌，甚至使得講偈同版條係天公註定个緣份。燒燒一碗版條又係菜又係飯，毋罇過嘍加一碗，食到連打嗝都係版味。

這恁多年來乜毋知麼个原因，頭沉沉單淨汨絡食，完全都無心神注意版擔。絕對毋係近廟欺神，若係講偈唉生唉死有錢好園，連一碗版錢都愛省該斯冤枉，有新歡揸撇舊愛个罵名過較堪當毋起。所以遠方朋友愛偈請，毋使擇時選日，大大膽食畀爽快。哪有恁著，食差味瑞係盡大个誤會，版擔本本人多人讓，害頭家無閒去手都會打結。仰脣會知尋母轉頭擺个該種難忘个慣勢，挾起个版會有樹乳个聯想，到底麼个交齧¹出問題。

頭擺做版愛在來、蓬萊對破，現下為著方便將就賣懶擺粉，

¹ 交齧：音 kau+ ngad[˥]；關卡。

人講麼个都好騙，斯係落嘴騙自家毋過。怪得阿祥叔頭那都會搖啟，撮假个版條尋母著往日真實个面貌，像過度化妝个戲客，尋母轉頭擺个榮光。

阿祥叔偷偷揸偈，講紅蔥酥乜做下走盞撇咧，用个油對現煇个豬油變沙拉油。特選个紅蔥頭變無斯罔，食疏來香味愛仰脣比。係毋係會醉人斯安做好酒，正經無人敢掛保證，瞞者瞞毋識，識者瞞毋過。論真來講，合菜个韭菜大細種乜有爭差，連雞丹²都毋係頭擺該種。還有放豆菜方式个改變，正經連鑊頭畚箕都徹底無共樣，還較毋使講个係，湯頭無才調尋著頭擺个老靈魂。一百句五十雙，通棚都係因致貪利便，慧直个堅持正經毋值錢。

現實同理想拗手腕，事實斯現現堆在面前，單淨講愛揸起客家美食好名聲，該斯係賣心肝个誚難話。像賣版條這種燒手燒腳个頭路，係做到半生毋死又賺無錢，麼人愛做？心心念念望奇蹟使得實現，尋轉老頭擺真裝个版條。

² 雞丹：音 gie+ dan+；味素。